

Aiuri Antiespezista Taldea:

“Gure borroka ez da mugatzen gizakiak ez diren animalietara”

Eibar eta Ermuko lagunek osatzen dute Aiuri Antiespezista Taldea. Joan den urteko irailean eratu zuten taldea eta urrian egin zuten lehen ekintza, Zine Foruma. Denbora honetan taldea hazi egin da eta hainbat ekintzen bitartez eragiten ari dira herriko jardunean eta herritarren artean. Eskilarapeko Ateneoan biltzen dira astean behin, eta euren Facebook eta Instagrameko kontuen bitartez edo aiuriantiespezista@riseup.net helbidera idatzita jarri ahal da edonor eurekin kontaktuan.

- Zer da antiespezismoa?

Hainbat korronte daude antiespezismoaren barruan, beraz, ez da erraza antiespezismoa zer den zehaztea. Espezieen aurka egiten den diskriminazioa da espezismoa. Gizaki moduan beste espezieetara erabilpen batzuk ditugu, eta euren nahi eta beharrak kontuan izan gabe erabiltzen ditugu. Zentzu horretan, txakurra eta katua asko maite ditugu, ukiezinak dira, eta beste animalia ba-

tzuk jan egiten ditugu eta euren azalekin janzen gara.

- Zein korronte jarraitzen du Aiurik?

Animalien ongizatearen aldeko mugimendua da ezagunena, Gobernu Kanpoko Erakunde handienek erabiltzen duten korrontea, baina gu korronte abolizionista lerrotzatzen gara. Hau da, animaliak erabiltzeari guztiz uztea defendatzen dugu. Publiko handiari begira errazagoa da bestea erabiltzea, baina



horrek ez du animalien esplotazioarekin amaituko. Badago esaldi bat hori guztia ondo laburtzen duena: “Ez dugu kaiola handiagorik nahi, baizik eta kaiolak apurtu eta desagertaraztea”.

**- Nola sortu zenuten elkar-
tea?**

Antzeko ideologia geneu-

kan lagunak batzen hasi ginen eta ahoz aho eman zen taldearen berri. Talde handia bildu ginen eta, gure beharrak aztertu ostean, elkarte sortu genuen behar horiei erantzuteko. Hasieran ez genuen pentsatzen talde bat sortzeko adina indar edukiko genuenik.

esanline[®]

+ @ + TV + Smartphone

☎ 846 080 010
Cardenal Orbe Plazan, 06 - Ermua
💻 esanline.es

BERRITZE LANAK
ZURE ERAIKINEAN
Ez dakizu nondik hasi?
GURE LANTALDE TEKNIKOAK
LAGUNDUKO DIZU

SPARA
rehabilitación + sostenibilidad

ZUK ERABAKI

www.spara.es
info@spara.es
943 17 70 57

IZARRA CENTRE Erakina Zeharkalea, 36, 3º 48260 Ermua -Bizkaia-

enolimp
GARBIKETA ZERBITZUAK

Tel. 618 89 29 60 - 620 13 65 23
E-maila. enolimp@hotmail.com
48620 Ermua (Bizkaia)

Atariak - Bulegoak - Lokal komertzialak - Enpresak
Obra amaiera eta erreformak

www.enolimp.es

Horacio Decoración
VI Centenario 10 - Ermua
943 03 15 80
www.dghoraciodecoracion.com

IZARRA CENTRE Erakina Zeharkalea, 36, 3º 48260 Ermua -Bizkaia-

- **Zein helburu zehaztu zenituzten taldea sortu zenute-nean?**

Hasteko, antiespezismoaren inguruan ideia eta kontzientzia zabaldu nahi dugu. Izan ere, gure inguruan ez daukagu erreferenterik. Era berean, beste animaliei egiten dizkiegun injustiziak azaleratzeaz gain, erantzun kolektibo bat ematen saiatzen gara.

- **Modu ohikoan animalien aurka egiten diren ekintzei alternatibak ematea?**

Guk ez ditugu alternatiba bezala planteatzen. Aukerak dauden momentuan alternatibak daude, baina aukera horiek beste norbanakoak zapaltzen dituzten momentutik guretzat ez dira alternatibak izango.

- **Munduaren funtzionamendua, gizartearen ohiturak eta abarrak kontuan izanda, zaila da antiespezismoa gailentzea?**

Zaila da, baina borroka guztiak dira zailak eta horrek ez dio legitimotasuna kentzen borroka bati. Errotik hartuta daukagun zerbait da espezismoa, euskal gizartearen oso barneratuta dago eta hori aldatzea oso zaila da. Hortaz, espezismoa zer den azaleratu nahi dugu, nahiz eta zaila den txikitatik hartu duzunaren

aurka egitea. Gure hezkuntza espezista da. Txakurrak eta katuak maitatzen erakusten digute, baina txerria jaten dugu. Nola apurtu horrekin? Zaila da, eta antiespezismoarekiko kontzientzia garatzen duzun heinean zure egunerokotasunean dituzun kontraesanek ohartzen zara. Taldea sortzearekin batera aldaketa sumatu dugu gertuko gizartearen denbora gutxian, eta onerako izan da.

- **Nolako ekintzak egin dituzue denbora honetan?**

Urriaren Zine Forumak eta taldearen aurkezpena egin genituen. Hezkuntza espezista oso barneratuta daukagu, naturala dela esaten digute, eta hainbat mito apurtzeko balio izan zuen Zine Forumak. Azaroan Ekintza Antiespezisten Nazioarteko astea ospatu zen eta kontzentrazioa eta difusio lana egin genuen. Sanmartinetan gure ekintza zuzen eta adierazgarriena egin genuen. Gure helburua ez da elikaduraren inguruko gauzak aldatzea bakarrik, beganoa izatea antiespezista izatearen ondorio logikoa delako; beraz, beste era bateko ekintzak beharrezkoak dira. Sanmartinetako txerriaren espazioa pankartekin inguratu genuen 'Ez da zer, norbait da' eta 'Animaliak ez dira produktuak' le-

loekin. Animalien interesak kontuan hartzen ez ditugula eta txerria toki txiki horretan sufritzen dagoela salatu nahi izan genuen. Gero, pintxo-pote beganoak egin ditugu, Gabonetan otar beganoak zozketatu ditugu, Zarata Gaua antolatu berri dugu, eta abar.

- **Ekintza horiez gain, nolako da taldearen jarduna?**

Astean behin Eskilarapekon batzen gara eta beti zerbait esku artean edukitzen dugunez, gauzak prestatzen egiten gara. Orain, barneko lanak egin behar dugu asanblada moduan egituratzeko. Horizontaltasuna dago gure printzipioen artean, baina horizontaltasun hori nola lortu landu behar dugu. Bestetik, hausnartzeko eta berba egiteko ere aprobetxatzen dugu, baina natural irteten da.

- **Beste talde edo kolektiboei elkarlanean zabilzte?**

Bai. Adibidez, Sagardo Egunean Gazte Asanblada gurekin kontaktuan jarri zen pintxopoterako txistorra beganoa egiteko eta Eibarko Libre Egunean jatekoa guk prestatuko dugu. Ez dugu elikaduran zentratu nahi, baina bada modu bat taldea ezagutarazi eta hortik gehiago sakontzen has-teko. Orokorrean beste taldeek ondo hartu dituzte gure

proposamenak. Badaude erresistentziak, baina talde askorentzat erabilgarria da jende gehiago edukitzea, esku gehiago lan egiteko, eta guk indarra daukagu. Guk planteamendu politiko bat eramaten dugu, baina horrekin batera laguntzeko eskuak ere. Gainera, talde moduan oso intersektionalak gara. Animalien askapena da gure helburua, baina beste borroka mota batzuk babesten ditugu eta, babesa emateaz gain, horrelako gauzak lantzen ditugu taldean. Adibidez, komisio ez-mistoa sortu dugu taldean eta emakumezkoak soilik batzen gara bertan. Bada, Eibarren egin zen Zarata Gauerako protokolo bat landu genuen erasoen aurrean nola erantzuteko. Patriarkatua edozein tokitan dago presente eta Aiuri definizioz feminista izan ez arren, feminista da. Gure lanak animalien ingurukoa bakarrik dela eman dezake kanpotik, baina guk animaliatzat daukagu gure burua eta zentzu horretan, adibidez, guretzat ez da justua emakumeen aurkako indarkeria eta hori ere borroka antiespezistaren barruko ardatza da. Gure borroka ez da mugatzen gizakiak ez diren animalietara.

Ekhi Velar

mari asun 
LORADENDA
Diputazioa 9 - ERMUA - Tel. 943 174379

Caperos
Pinxoak · Razioak · Kaxolak · Plater konbinatuak · Ogitartekoak
Probaleku z/g (Ermua) 699 292 043 · 636 549 154

URRETA **burdindenda**

* Etxea	* Giltzak
* Tresneria	* Sarrailagintza
* Brikolajea	* Kit altzariak
* Ervailak	

 Beharkeala 8 Tel: 943 17 65 61 ERMUA

KARABIXA

KARABIXA KAFETEGIA
Egunero 8:30etik aurrera zabalik